

broj



Septembar

Gimnazijalac

Gimnazija „Meša Selimović“ Tuzla

Kontakt:

Adresa: Dr. Tihomila Markovića

66, 75 000 Tuzla

Telefon: + 387 35 247 630

E-mail: gmstz@montk.gov.ba

www.gmstzstud.com.ba

www.gmstz.com.ba

fb: Gimnazija „Meša Selimović“

Instagram: [gms_tz](https://www.instagram.com/gms_tz)

YouTube: GMS Tuzla



Školska: 2024/2025. godina

IMPRESUM

Izdavački savjet:

- *Alma Šehanović, direktorica*
- *Mirela Šehović, prof.*
- *Minela Spahić, prof.*

Glavni i odgovorni urednici: Tehnički urednik:

- *Alma Šehanović, direktorica*
- *Mirela Šehović, prof.*
- *Minela Spahić, prof.*
- *Mirela Šehović, prof.*
- *Nensi Kadribašić, IIf*

Novinarsku sekciju vodi:

- *Minela Spahić, prof.*

Digitalne novine vodi:

- *Mirela Šehović, prof.*

Lektor:

- *Minela Spahić, prof.*

Izdavač i štampa:

*Gimnazija "Meša Selimović",
Tuzla 2024/2025. god.*

REDAKCIJA

Digitalne novine:

- *Ajla Osmanović 3f*
- *Ajla Kunosić 3f*
- *Aida Delić 3f*
- *Nensi Kadribašić 2f*
- *Ema Mešković 2f*
- *Majra Šabanović 2f*
- *Alema Mešanović 2f*
- *Delila Bošnjaković 2f*
- *Majra Altumbabić 2f*
- *Elma Bećirović 2f*
- *Nela Jaganjac 2f*
- *Mia Lovrić 2f*

REDAKCIJA

Novinarska sekcija :

1. Sarah Nišandžić 3d
2. Sarah Kapidžić 3d
3. Mirna Nikolić 3b
4. Amina Žilić 3b
5. Ismihana Brkićević 2a
6. Vildana Zelenturović 2a
7. Nadja Razić 2a
8. Nensi Kadribašić 2f
9. Emir Mujezinović 2d
10. Lamija Karabegović 2d
11. Emina Hasanbegović 3d
12. Berina Maglić 3g
13. Ena Mehićić 3d
14. Leona Simić 2d
15. Nejra Smajić 3g
16. Sarah Imamović 3g

SADRŽAJ

- *Uvod.....5*
- *Učenički kutak.....8*
- *Aktuelnosti.....10*
- *Dodatna i dopunska nastava.....22*
- *Sekcije.....24*

UVOD

Početak nove školske godine pravo je vrijeme za nove izazove i postavljanje ciljeva. Nakon zasluženog ljetnog raspusta, svi se vraćamo u školske klupe, puni energije i spremni da damo sve od sebe.

Drugi dio godine pruža priliku za napredak u učenju, kao i za aktivno učešće u svim školskim aktivnostima.

Želimo vam sretan i uspješan početak, ispunjen motivacijom, novim iskustvima i, naravno, postignućima.

U narednim stranicama novina, donosimo vam informacije o najvažnijim događajima koja nas očekuju, kao i savjete kako da ovaj period iskoristimo na najbolji način.



Mehmed Meša Selimović

Mehmed Meša Selimović, jedan od najznačajnijih pisaca južnoslovenskih književnosti, rođen je 1910. godine u Tuzli. Njegova djela, prožeta filozofskim promišljanjima i dubokim razumijevanjem ljudske prirode, ostavila su neizbrisiv trag u književnostima Balkana. Njegov najpoznatiji roman, "Derviš i smrt", remek-djelo egzistencijalne i psihološke proze, istražuje unutrašnje borbe glavnog junaka Ahmeda Nurudina, njegovu potragu za pravdom i sukob sa sopstvenim uvjerenjima. Roman "Tvrđava" nastavlja ovu nit promišljanja o sudbini pojedinca u vrtlogu historijskih previranja.

Meša Selimović je u svojim djelima ostavio univerzalne poruke o ljudskoj sudbini, pravdi, moralu i prolaznosti života. Njegove misli i danas inspirišu čitatelje i mlade generacije, koje u njegovim riječima pronalaze odgovore na vječita pitanja života.

Gimnazija „Meša Selimović“ s ponosom nosi ime ovog velikana, podstičući učenike na kritičko razmišljanje i ljubav prema književnosti. Njegova misao ostaje živa i nadahnjuje nove generacije, podsjećajući nas da su znanje i misao najjače oružje svakog čovjeka.





SMJEROVI

• OPĆI

Obrazovanje u općoj gimnaziji usmjerava učenike ka općoj naobrazbi iz jezičke, prirodne i društvene grupe predmeta, te nastavku obrazovanja na višem nivou bilo kojeg usmjerenja.

• MATEMATIČKO-INFORMATIČKI

Nastavni plan i program matematičko-informatičkog smjera ima za cilj da kod učenika razvije način mišljenja svojstven prirodnim naukama, matematici, te da osposobi učenike u oblasti informatike i računarstva.

• JEZIČKI (FILOLOŠKI)

Nastavnim planom i programom jezičkog smjera je predviđeno osposobljavanje učenika da se služe jednim stranim jezikom, kao i da usvoje osnovna znanja iz još dva strana jezika.

• INFORMACIONIH TEHNOLOGIJA

Nastavni plan i program IT smjera ima za cilj da kod učenika razvije način mišljenja svojstven informatičkom području, informacionim tehnologijama, te da osposobi učenike u oblasti informatike i računarstva.



Učenički kutak



Anja Bulić II d

Amila Brčaninović

IV6



Ljudi se ustvari boje, zato su surovi

Kako ptica lomi svoja krila da dostigne granice neba, tako i ljudi lome svoja srca pokušavajući pobjeći od patnje i boli. A strah, on idalje mirno posmatra sa strane dok ljudi nesvjesno grade svoje kule. Strah je čovjekov posmatrač sa strane, vlada nama iz sjenke. Strah, on nas čini opreznim pred našim ranjivostima, a kada se ne možemo suočiti s njim na sebe oblačimo plašt surovosti.

Baš kao što Meša Selimović kaže: “Strah je najveći neprijatelj čovjeka. Strah ponižava, strah ubija”. Ispod tog plašta surovosti i okrutnosti čuči u tami istina, tiha i skoro nevidljiva. Ta istina je iskonska, puna bojazi koju svi nose s sobom. Ta istina utiče na nas da se bojimo ljudi, ali i samih sebe. Nekada ljudi i skinu taj plašt, zaborave na strah. Trude se pokušati unijeti vedrinu u život, nasmijati se ali opet beživotno. Taj neugodni plašt surovosti ubrzo bi opet prekrrio vedrinu.

Ljudi su poput vukova u čoporu. Uvijek na oprezu, boreći se krvlju za svoj opstanak. Trudeći se pokazati svoju jaku stranu, uvijek bi pokazali onu ranjiviju. To je taj začarani krug straha, surovosti i tame. Svaki veći korak surovosti udaljava nas zapravo od onoga što priželjkujemo. Svi smo na kraju isti. Svi imamo isti strah. Svi težimo za istim, za prihvatljivošću. Za sve dođe vrijeme kako kažu. Tako će nadam se doći i vrijeme da ljudi shvate da te ponosne, visoke kule koje su gradili oko svog srca, zapravo su kule od pijeska koje će more lako srušiti. A to more nosi sjećanje za izgubljenom ljudskosti. Ljudi nesvjesno pod teretom unutrašnjeg nespokoja postaju grubo, agresivni, teški na riječima misleći da je to pravi izlaz i jedini način odbrane.


Najteže je boriti se sa svojim unutrašnjim nemirom baš kao što je i Selimović rekao: “Težak je život, a najteže je živjeti sa samim sobom”. Surovost je zapravo tragedija, ona produbljuje jaz među ljudima. Njihov odnos je samo jedna velika distanca. Ljudi, oni se gube u lavirintima svojim misli i sumnji, što zapravo vodi na beskonačni put surovosti. Oni ne rade zlo zato što su zli, već nesretni. Ljudi surovost koriste samo kao privremeni lijek, da ublaže svoju ranjivost. Pravi izlaz iz lavirinta zapravo i postoji.

Strah treba pogledati u oči i prihvatiti ga kao dio sebe, a ne gledati ga neprijateljskim očima, očima zla. Stvarni svijet zapravo je prelijep samo ga mi činimo takvim da sve gledamo kroz osudu.

Mi se ne borimo protiv drugih već protiv svog unutrašnjeg demona. Ključ se zapravo nalazi u blaženstvu, toplini i želji da budemo hrabri i onda kada se plašimo. “Čovjek je osuđen da bude slobodan”, rekao je Sartre.

Mi sami bираmo za sebe, bираmo sami ko ćemo biti. Tamo gdje strah prestaje, surovost zatvara svoja vrata.


Ismihana Brkićević 2a



Prijateljstvo se ne bira, ono biva

Prijateljstvo je jedna od rijetkih stvari koja izmiče ljudskoj kontroli. Dolazi spontano, neprimjetno, kao i ljubav ispunjava naše živote. Ponekad je toliko nestvarno da ga riječi ne mogu opisati. Meša Selimović je jednom rekao: "Prijateljstvo se ne bira, ono biva, ko zna zbog čega, kao ljubav". Ova jednostavna misao nosi cijelu mudrost odnosa o kojem govorimo. Selimović je često u svojim djelima spominjao prijateljstvo, kao nesavršen, ali ispunjujući ljudski odnos. Prijatelji su zapravo puno više od prijatelja; oni su oni koji nas podržavaju, pomažu nam baš kao što planine pružaju potporu zemlji koju okružuju. Jednostavno, ne bismo mogli jedni bez drugih. "Prijatelji su kao planine, što ih više imaš, to si jači. Ali kada ti srce oslabi, oni se smanjuju, izgube, postanu sjenke". Ova misao naglašava da čovjek vrijedi onoliko koliko iskrenih prijatelja ima oko sebe. Oni nas uzdižu kada smo krhki i ranjivi, a njihova prisutnost kada smo na vrhu govori da oni zaista jesu oni pravi; koje trebamo štovati kao što štujuemo majku, koje trebamo gledati kao što gledamo najljepšu sliku u muzeju i koje trebamo čuvati kao što čuvamo ono najvrjednije, a to je sopstevni život. No, kako Selimović upozorava, prijateljstva nisu nepromjenjiva; ona su refleksija unutrašnje snage i razumijevanja svakog pojedinca. Prijateljstvo je istovremeno dar i odgovornost prema osjećajima druge osobe. Kao i život, ne traju sva prijateljstva vječno. Neka se nenadano izgube u mislima i ostanu samo lijepa sjećanja, a neka traju zauvijek; baš kao i djela Meše Selimovića. Poput prirodnih pojava i prijateljstvo dolazi tiho, gradi se kroz zajedničke momente, kroz žalost i smijeh, kroz duge razgovore i iskrene geste. Prijatelji, kao i planine nepomično grle šume i potoke čak i kada se sve drugo ruši. Planine uslijed neočekivanih situacija, mogu postati manje. Isto je i sa prijateljstvom, i ono može otići u nepovrat ako ga ne njegujemo. Ono što je jednom bilo nepobjedivo, za tren oka može biti izgubljeno. Prijateljstvo je kompleksna stvar, kažu mnogi, ali treba se držati osnova, a to su - iskrenost, podrška i ljubav. Uz te stvari planine će uvijek nepomično stajati, vremenske nepogode će biti samo prolazno stanje i zauvijek će ostati nepobjedive. Prijateljstvo se ne bira, ono dolazi i uvlači se pod kožu tiho i povezuje nas s drugima. Baš kao i ljubav, ono je nepredvidivo, ponekad neshvatljivo ali uvijek dragocjeno. Meša Selimović kroz svoja djela, uči nas da prijateljstvo nije samo riječ ili određena titula, već stanje koje čovjeku treba tijekom cijelog života, koje ne bira vanjski izgled, koje ne osuđuje, već ono koje se gradi srcem i dušom. Bez prijatelja svijet bi bio tužan kao pjesma bez melodije, kao knjiga bez korica ili kao noć bez zvijezda. Sa prijateljima, imamo planine na koje se možemo uvijek osloniti, čak i kad sve drugo u nama ili oko nas posustane.

Sarah Nišandžić IIIId



Šta je meni...laž?

Ljudi svakodnevno lažu, okruženi smo svakodnevnim lažima koje čak ni ne primijetimo. Male laži poput onih da smo pospremili sobu, uradili zadaću ili izveli psa u šetnju, vrlo često prerastu u velike. Lažemo toliko često da čak svakodnevno na pitanje kako ste, odgovaramo šablonski. Ljude ne možemo razvrstavati na potpuno iskrene i lažove. Sigurno da ne postoji potpuno iskrena osoba koja nikada nikome nije slagala, laž je, svjesno ili ne, dio svakodnevnog života. Ako mislite da je laganje nedopustivo i neprihvatljivo, osvrnite se na svijet oko sebe. Čak i kad protumačite vlastite odluke, možete navesti par primjera gdje ste lagali kako biste se izvukli iz problema, te ne snosili za to posljedice. Uvjerena sam da je većina nas nekada lagala kako bi se nekome dopala, kako bismo bili „kul“ ili kako ne bismo zvučali dosadno. Uvijek se govori da jedna manja laž nije ništa bitno. Međutim, jedna laž vuče drugu te tako upadamo u rupu bez dna, počinjemo lagati i sami sebe. Ali ovo su samo male laži koje nikome neće nauditi, zar ne? Svijet je pun većih laži i lažova. Laži koje polako uništavaju ovaj svijet. Iako većina nas se smatra „iskrenom“ osobom koja ne želi nauditi ovome svijetu, zašto onda lažemo?

Šta je to uopće laž?

Laž možemo definisati na različite načine. Laž može biti sve mimo istine. Nekome je laž istina jer u nju želi da vjeruje tako jako da ne želi da vidi istinu koja je neprihvatljiva i teško ga boli. Neki bi rekli da je to izdaja, jer laganjem gubimo povjerenje drage osobe. Sve ove izjave jesu tačne, ali meni ipak najjednostavnije je reći da je laž maska istine. Maska koju stavljamo ispred naših grešaka, mana, uvjerenja kako bismo se uklopili u društvo. Međutim, nekada neko laže kako bi zaštitio druge ili kako ih ne bi povrijedio. Istine se često sakrivaju jer nisu socijano prihvatljive, emocionalno zadovoljavajuće. Osobe koje su previše iskrene se smatraju bezobraznim te previše grubim. Kao kad vas neko pita kako mi pristaje ovo, iako je vama to ružno, ne želite ga povrijediti te kažete da mu odlično pristaje. (Ono što je osoba željela da čuje). Ljudi su okruženi lažima te teško raspoznaju kada neka osoba laže, a kada govori istinu. Moramo dobro poznavati tu osobu ili govor tijela kako bismo primijetili neiskrene riječi. Pitanje je kako spoznati kada sami sebe lažemo? Stvar karaktera je kada uvjeravamo sami sebe da je to nešto što smo uradili dobra stvar. Za takvu stvar potrebno je ulagati mnogo energije te kada čovjek oslabi i postane nejak sve njegove laži izađu na vidjelo. Oni to čitav svoj život potiskuju, poriču kako se ne bi suprostavili istini. To je u suštini kažnjavanje samoga sebe jer se ne mogu pomiriti sami sa sobom (grize ih savjest) sve dok sami ne iznesu svoju laž na vidjelo. Ta ljudska savjest često može izazvati mnoge bolesti zato se ljudi razbole noseći teret laži. U ovoj situaciji biti iskren je lijek za dušu.

Alema Mešanović 2f

Aktuelnosti

Učenici naše škole, članovi geografske sekcije, 06. 9. 2024. god. posjetili su manifestaciju Konjuh-EXPO 2024. kojom se PD Konjuh Tuzla predstavlja široj javnosti. Upoznali su se sa osnovama planinarstva te akcijama i sadržajima koje PD Konjuh nudi građanima.



Aktuelnosti


Učenici i profesori su imali priliku uživati u ljepotama Antalije i Alanye, posjetiti vodopade Manavgat, antički grad Side i The Land of Legends u Beleku, te iskusiti vožnju na turi Jeep Safari i krstarenje gusarskim brodom.

Ovogodišnja maturna ekskurzija realizovana je u periodu od 17.-24. septembra 2024



Pozdrav iz Alanye od maturanata GMS 18. 9. 2024.

Aktuelnosti



Aktuelnosti

Na međunarodnom turniru u ritmičkoj gimnastici, održanom u Rumuniji, naša učenica Elena Lončar u jakoj konkurenciji osvojila je dvije bronzane medalje. Čestitamo našoj Eleni na izuzetnom uspjehu!



19. 9. 2024.

Aktuelnosti

Saradnja u zajednici je nama gimnazijalcima od izuzetne važnosti. Učenici 1. a odjeljenja su sa svojom profesoricom engleskog jezika, Lejlom Sarić, posjetili Američki kutak u Tuzli. Direktorica Narodne biblioteke "Derviš Sušić" nas je divno ugostila te ispričala o svim aktivnostima Američkog kutka i biblioteke.



21. 9. 2024.

Aktuelnosti

Na međunarodnom turniru u ritmičkoj gimnastici, održanom u Rumuniji, naša učenica Amila Bećirović osvojila je dvije srebrene medalje.

Čestitamo našoj Amili.



22. 9. 20204.

Aktuelnosti

Tuzlak Dženan Lapandić odbranio doktorat na prestižnom KTH Royal Institute of Technology u Švedskoj.

Imamo još jednog izuzetno talentovanog mladog istraživača koji je odbranio doktorat na prestižnoj akademskoj instituciji. Dženan je odbranio doktorsku tezu pod naslovom "Disturbance-Aware Motion Planning and Control of Unmanned Aerial and Surface Vehicles" na Štockholmskom KTH Royal Institute of Technology.

Fokus njegovog doktorata je kretanja i kontrolni sistemi za bespilotne

Njegov akademski put započeo je sa diplomom u oblasti elektrotehnike, sa fokusom na automatsko upravljanje i elektroniku, na Univerzitetu u Sarajevu (2013–2016). Zatim je nastavio s Masterom nauka u robotici, sistemima i upravljanju na ETH Zürichu (2016–2018), gdje je također stekao iskustvo u nastavi i istraživanju. 24.9.2024

Čestitamo Dženanu, našem bivšem učeniku i želimo mu sve najbolje.



Aktuelnosti

Dana 26. 9. 2024. godine učenici Izborne nastave bosanskog jezika i književnosti prisustvovali su "Sajmu knjige" u Tuzli. U okviru Sajma će se održati razne promocije knjiga za sve uzraste. Učenici naše škole su prisustvovali promociji knjige Jagode Ilić "Kućica na mjesecu". Učenici su bili u pratnji profesorica Selme Mešanović i Džehve Aščić. Zahvaljujemo se na divnom druženju i organizaciji. ✨



Fotografije sa obilježavanja Evropskog dana jezika koji su realizirali učenici i profesori engleskog jezika 27.9.2024. god.



Aktuelnosti

U petak, 27.9.2024. godine, jedanaest gradova širom Bosne i Hercegovine obilježilo je zabavnu naučnu noć u sklopu Evropske noći istraživača. Ovogodišnji domaćin sajma nauke i inovacija za Tuzlu bila je Richmond Park School Tuzla.

Našu školu su predstavljale članice IT Girls kluba: Selma Mujačić, Amna Đedović i Nejra Smajić.



Aktuelnosti

U ponedjeljak, 30.09.2024. godine, u prostorijama čitaonice Gimnazije "Meša Selimović", održana je promocija metodičke zbirke iz algebre za I razred srednjih škola "Polinomi s primjenama" autora Šahbegović Mirsada.

Promociju je otvorila prof. bosanskog jezika i književnosti Amira Hasić, kao lektor zbirke, a nakon svog izlaganja dala je riječ recenzentu zbirke vanr. prof. dr. Agić Harizu. Autor djela Mirsad Šahbegović je obrazložio proces samog nastanka i koncept knjige. Promociji su prisustvovali učenici, kolege matematičari iz naše gimnazije i drugih škola, te gosti zainteresovani za autorovo djelo.

Čestitke našem kolegi.



Sekcije

R.br.	SEKCIJA	sedm. fond sati	Zaduženi nastavnici
1.	<i>Kamerni asambl</i>	1,5	Kadrić Sanela
2.	<i>Hor</i>	4,5	Kadrić Sanela
3.	<i>Novinarska sekcija</i>	1,5	Spahić Minela
4.	<i>Dramska sekcija</i>	1,5	Međedović Fahrudin
5.	<i>Literalna sekcija</i>	1,5	Mešanović Selma
6.	<i>Recitatorska sekcija</i>	1,5	Mujabašić Ervin
7.	<i>Košarkaška sekcija</i>	1,5	H. Halilović Amir
8.	<i>Atletska sekcija</i>	1,5	Tanović Vanja
9.	<i>Odbojkaška sekcije</i>	1,3	Ćatić Selver
10.	<i>Genetička sekcija</i>	1,5	Bačinović Selma
11.	<i>Ekološka sekcija</i>	1,5	Pezić Minela ,
12.	<i>Prva pomoć</i>	1,5	Begić Amela
13.	<i>Biosigurnost i biozaštita</i>	1,5	Begić Amela
14.	<i>Likovna sekcija</i>	0,5	Ibrišimović Merima
15.	<i>Historijska sekcija</i>	1,5	Omerčević Nihada
16.	<i>Geografska sekcija</i>	1,5	Ćosić H. Sabina
17.	<i>Crveni križ</i>	1,5	Kozlić Emina
18.	<i>Civitas</i>	1,5	Hasanović Admir
19.	<i>Plesna sekcija</i>	1,5	Hasić Amira
20.	<i>Bibliotekarska sekcija</i>	1,5	Hasić Amira
21.	<i>IT girls</i>	1,5	Harčin Fuad
22.	<i>Digitalne novine</i>	1,5	Šehović Mirela
23.	<i>Informatička sekcija</i>	1,5	Bajrić Damir
24.	<i>Zdravi životni stilovi</i>	1,5	Imširović Almedina
25.	<i>Vijeće učenika</i>	1,2	Haračić Alma

Dopunska nastava

Predmet	Godišnji fond časova				Svega	Zaduženi nastavnici
	I	II	III	IV		
Matematika	-	35	-	-	35	Karać Nevzeta
Matematika	35	-	-	-	-	Šahbegović Mirsad
Matematika	-	-	35	-	35	Brkić Nesiba
Matematika	-	-	-	35	35	Mujčinović Anela
Njemački jezik	-	35	-	-	35	Karić Esma
Njemački jezik	35	-	-	-	35	Hasanović Belkisa
Engleski jezik	-	-	-	-	35	Mušović Jasmina
Fizika	-	-	-	-	35	Ivanović Danijel

U sk 2024/2025. g. **dopunska nastava** je planirana iz gore navedenih predmeta. Na sjednicama Razrednih vijeća, u novembru 2024. godine, analiziraće se uspjeh u učenju i ukoliko se pokaže potreba, uz odluku Nastavničkog vijeća, organizirat će se dopunska nastava i iz ostalih predmeta.

Dodatna nastava

Predmet	Godišnji fond časova				Svega	Zaduženi nastavnici
	I	II	III	IV		
Engleski jezik	-	-	35	-	35	Cacanović Biljana
Engleski jezik	-	35	-	-	35	Nurkić Jasmina
Engleski jezik	35	-	-	-	35	Sarić Lejla
Njemački jezik	-	-	35	-	35	Miraščić Aida
Njemački jezik	-	35	-	-	35	Harbić Adnan
Matematika	-	35	-	-	35	Ljubunčić Emira
Matematika	-	-	35	-	35	Karać Nevzeta
Matematika	35	-	-	-	35	Mujčinović Anela
Matematika	-	-	-	35	35	Šahbegović Mirsad
Fizika	-	-	-	-	35	Kunosić Suada
Fizika	-	-	-	-	35	Ivanović Danijel
Hemija	-	-	-	-	35	Kozlić Emina
Historija	-	-	-	-	35	Arapović Jasmin
Geografija	-	-	-	-	35	Nuhanović Adisa
Bosanski j. i knj.	-	-	-	-	35	Ašćić Džehva